



Universitätsbibliothek Paderborn

Matæologia Labadiana: Das ist; Widerhohltes und vermehrtes Bedencken/ Was nach anweisung der Heil. Göttl. Schrifft und Gottseeligen Antiquität/ wie auch der gemeinen Evangelisch-Lutherischen/ ...

Nifanius, Christian

Bilefeldt, 1673

III. Donatistarum variam denominationem.

urn:nbn:de:hbz:466:1-35601

describit: Hoc eodem tempore Duces & Principes vestros
merita relegaverant sua. In Ecclesia nulla fuerant schisma-
ta, nec Paganis licebat exercere sacra sacrilega. Pax Deo
placita apud omnes Christianos populos habitabat: Diabolus
mærebat in templis, vos in regionibus alienis. Deinde alter,
ut omnibus notum est, secutus Imperator, vobiscum vota sini-
stra concipiens, ex famulo Dei factus est minister inimici, A-
postamat se dictis suis testatus est. Quem precibus rogasti,
ut reverti possetis. Quas preces si vos negatis misisse, nos le-
gimus. Nec difficultatem præbuit, quem rogasti, re præcepit
pro voto suo, quos intellexerat ad disturbandam pacem cum
furore esse venturos. Erubescite, si ullus est pudor. Eadem vo-
ce vobis libertas est redditia, qua voce idolorum patescet ius-
sa sunt templa. Eisdem penè momentis vester furor in Afri-
cam revertitur, quibus Diabolus de suis carceribus relaxatur.
Et non erubescitis, qui uno tempore cum inimico communia
gaudia possidetis. Venistis rabidi, venistis irati, membra
laniantes Ecclesiam: subtile in seductionibus: in cædibus im-
manes, filios pacis ad bella provocantes. De sedibus suis mul-
tos fecisti extores, cum conducta manu venientes, Basilicas
invadisti, multi ex numero vestro per loca plurima (que sub
nominibus dicere longum est) cruentas operati sunt cædes, &
tam atroces, ut de talibus factis ab illius temporis Iudicibus
relatio mitteretur. Sed intervenit & occurrit judicium Dei,
ut ille, qui vos jamdudum redire jussérat, Imperator profanus
& sacrilegus, moreretur: qui persecutionem, vobis provocan-
tibus, jam miserat, aut mittere disponebat.

III. Donatistarum variam denominationem.

Variis Donatistæ nominibus sunt appellati. Ab hujus
hæreseos Patronis dicti fuere Majorini à Majorino
Episcopo Schismatico Carthaginii; Parmenianistæ, à Par-
meniano, acerrimo Donatistarum Defensore & Patrono;
Rogatenses vel Rogatistæ à Rogato; Maximianistæ à Maxi-
miano, testibus Optato & Augustino diversis in locis. A
moribus appellati fuere Montenses & Campates, sive Campi-

te, quod circa Romam in campis & montibus clam convenirent, qua de re ita Hieronymus in Chronico ad annum Domini CCCLVI. Donatus à quo Donatiani dicuntur, Carthaginē pellitur. Quidam sectatores ejus etiam Montenses vocant, eō quod Ecclesiam Romæ primum in monte habere cœperunt. Donatistas quoque ipse intelligit, cum epistola CXXXIII. ad Marcellum ita scribit: *Nuper quum Rhetorij Augustodunensis Episcopi, qui quondam à Constantinopolitano Imperatore sub Sylvestro Episcopo, ob causam Monten-sium missus est Romam, commentarios in Canticum Cantorum perlegisset &c.* Idem Hieronymus Dialogo adversus Luciferianos in fine eosdem Donatistas *Campitas* quoque appellat. Communiter etiam *Circumcelliones* fuerunt vocati, quod in agris cellas quosdam & tuguriola, veluti austerae Eremitarum vitam imitantes, haberent. De his aliisq; appellationibus prolixè differit D. Henichius part. 2. hist. Eccl. & civil. cap. II pag. 61. seqq. Præterea jactabant Donatistæ se esse Catholicos. Sed ijs responsum à Judge apud Augustinum in collatione tertij diei, quod debent laborare magis, ut re ipsa ostendant se esse Catholicos. Nam ita scribit Augustinus tract. V in epist Johan p. 21. Tom. IX. *Quomodo ergo gloriaris te esse Christianum & Nomen habes, & factum non habes. Si autem nomen secundum fuerit opus, dicat te quisquam paganum, tu factus ostende te Christianum. Nam si factis non ostendis te Christianum, omnes te Christianum vocent; quid tibi prodest nomen, ubi res non invenitur.* Etiam Marcionitæ, Valentini, Ariani, Novatiani se Catholicos appellari volebant. Sed Catholicum est aliquid vel solo nomine, vel re ipsa. Quid nomen efficit, ubi res deficit. Nomina sine rebus sunt sonora mendacia. Quod plenius deduxi in ostensione Historico-Theologica, quod glor. Imperator Carolus M. in quamplurimis fidei articulis formaliter non fuerit Papista. Tit. IX. §. 3. 4. pag. 641. seqq.

I V. Donatist. errorum enumerationem.

Hi pro distincta locorum Theologicorum consideratione